



RAFAEL RODRÍGUEZ VILLARINO, deputado e voceiro do Grupo Provincial Socialista da Deputación de Ourense, en base ó previsto na Lei de Bases Reguladora do Réxime Local, ó artigo 91 e 97, entre outros, do R.O.F. e o Regulamento da Corporación presenta unha **MOCIÓN SOBRE OS REITERADOS INCUMPRIMENTOS DOS ACORDOS PLENARIOS NA DEPUTACION DE OURENSE POR PARTE DO GOBERO PROVINCIL**

Enténdese por “moción” a proposta de resolución ou acordo que os grupos políticos presentan ao pleno dunha corporación para o seu debate e votación. A súa vez, un “acordo” supón decidir algo por unanimidade ou por maioría de votos. A importancia das mocións na actividade política das institucións é indubidable. De feito, esas mocións conforman a maior parte das intervencións e acordos que teñen lugar nas sesións plenarias por parte dos grupos políticos nesta Deputación Provincial de Ourense.

No que vai do actual mandato 2019-2023, que alcanza xa o seu ecuador, o único grupo que presentou mocións en tódolas sesións ordinarias mensuais foi o grupo socialista, cun total de 38. É dicir: o PSdeG-PSOE trouxo a debate e votación máis iniciativas que tódolos restantes grupos da corporación xuntos.

Con este evidente dato queda acreditado o obxectivo dos socialistas de traballar arreo para impulsar os servizos e infraestruturas de carácter público e, sobre todo, para mellorar a calidade de vida e o benestar da veciñanza desta provincia. Desá cifra total de iniciativas impulsadas polo PSdeG-PSOE, soamente oito foron aprobadas por unanimidade plenaria e, o que é peor, ningunha delas foi aínda executada.

Estes datos poden completarse con outros todavía máis contundentes, que avalan a actitude construtiva do grupo socialista neste mandato. O resumo do sentido das votacións desmonta, de xeito obxectivo, todas as infundadas acusacións feitas polo grupo de goberno co seu presidente a fronte e o aplauso dalgúns palmeiros e palmeiras, no referente á unha suposta falta de actitude colaborativa por parte do principal grupo da oposición.

No que vai de mandato tiveron lugar 20 sesións ordinarias cun total de 259 puntos ou propostas de aprobación, segundo se observa nas convocatorias. O grupo provincial socialista votou a favor en 176 ocasións, o que supón un 67,95 % e abstívose en 56 (21,62 %). Unicamente votou en contra en 24 ocasións –case sempre votos negativos en relación ás modificacións de crédito e a emendas doutros grupos ás nosas propias mocións– supoñendo este dato unha baixa porcentaxe do 9,26 %. Outra cifra significativa que evidencia o traballo dos socialistas en favor de Ourense é que en seis dos 20 plenos ordinarios non houbo nin un só voto en contra do noso grupo.

No referente ás mocións, unha vez estudadas as presentadas polo grupo socialista, debemos analizar, de xeito global, o que está a ser unha norma xeral nas mocións presentadas polo resto de grupos. Así pois, atopámonos con que as iniciativas aprobadas por unanimidade polos diferentes grupos é de 16 dun total de 70 presentadas e, ao igual que acontece coas presentadas polo grupo socialista, tampouco as do resto de formacións



Grupo Provincial Socialista

Rúa Progreso, 32 – 2º andar

32003 Ourense

988 317 993

CIF: G32244345

políticas, incluídas ás do grupo provincial popular, están sen executar. Esta análise amosa con contundencia o escaso interese do grupo de goberno polas iniciativas aprobadas no máximo órgano colexiado da institución e, o que é máis grave e preocupante, unha nula preocupación polas accións de mellora e impulso da nosa provincia.

Estes significativos datos dan a razón ao grupo socialista ante a súa decisión de non asistir aos dous debates do estado da provincia celebrados nos anos 2019 e 2020, xa que a liña a seguir de desleixo absoluto tras estas sesións extraordinarias é a mesma. Neste caso contamos 53 proposicións dos grupos asistentes –algunhas repetidas ou reiteradas o que reforza a nosa postura de que é un evento prescindible que non cumpre o que acorda– pero só 21 foron aprobadas por unanimidade. Desas 21 nin o 50 % foron postas en marcha.

As cifras analizadas corresponden ao presente mandato, pero ben poderían ser doutro anterior xa que, lamentablemente para Ourense, o proceder do goberno provincial conservador é exactamente o mesmo.

Estes feitos tamén acontecen co recollido nos denominados “plans de mandato” presentados polo “candidato Baltar” onde, nos diferentes documentos (Plan Ourense 92, Ourense 15-19 e Ourense 72-73), varias das iniciativas pasan de plan en plan e, outras moitas, quedan no esquecemento, evidenciando que eran simple fume electoral. No actual plan 72-73 os incumprimentos sobre o cronograma previsto xa son dunha alta porcentaxe.

Por todo o exposto, o grupo socialista presenta a seguinte **PROPOSTA DE ACORDO**:

1. Solicitamos á Deputación Provincial de Ourense o cumprimento dos acordos adoptados polo pleno, presentados a través das mocións dos diferentes grupos.

En Ourense, a 15 de xullo de 2021.

Asinado: Rafael Rodríguez Villarino.

SR. PRESIDENTE DA DEPUTACIÓN PROVINCIAL DE OURENSE